

page :

N029

條目：

《大方等大集經》

1〈瓔珞品〉2〈陀羅尼自在王菩薩品〉

內容：

大方等大集經

1 瓔珞品 2 陀羅尼自在王菩薩品 四卷 (13) 曇無讖譯

2.《大哀經》八卷 (13) 竺法護譯

1、佛神力二界中現寶坊，讚天迎佛至寶坊。十方世界菩薩雲集，請佛說法。法自在王菩薩讚佛功德。

2、佛為陀羅尼自在菩薩說：1. 菩薩四瓔珞莊嚴，戒定慧陀羅尼，一一以增一法說。2. 八光明，一一以八法說。3. 大悲十六事。4. 三十二善業。

1. 如來依菩提起十六大悲——舉栴檀窟佛事。2. 如來三十二業：十力、四無所畏、十八不共法。——舉淨寶珠喻。說法三階段。

3、諸法神通自在王菩薩與魔王神通，論護法。

4、陀羅尼自在王菩薩，為師子幢說八大陀羅尼。——出陀羅尼自在王本行。

5、佛為慧聚菩薩說：慧根與慧業。——出慧聚本行。

6、讚持經功德。佛諦語護經。諸天彌勒等護經。

1、大海(印)陀羅尼二十八字印(四・22 下—23 上) 四十一字印 大哀經卷七(443 上一中)

2、「說三歸一乘」(二・9 下) 「樂三乘者說一乘故」(一・5 上) 晉譯並缺。

3、本經但說大乘法，大乘人受益。惟末有聲聞弟子宏護。

4、為一眾生未度，佛示現涅槃。度畢乃入般涅槃。(二・14 上一中)

5、本經引用小乘法數頗多。

6、但菩薩淨土(四・25 中)

7、寶炬陀羅尼(四・25 下—26 中)

8、十波羅蜜(一・5 上) 晉缺 無盡器陀羅尼，晉「無盡法藏」——「其寶藏篋聖法經典」，則器乃篋藏也。

出處：

1、佛神力二界中現寶坊，讚天迎佛至寶坊。

※參見《大方等大集經》卷 1 (CBETA, T13, no. 397, p. 1, b16-p. 4, b24)。

十方世界菩薩雲集，請佛說法。

※參見《大方等大集經》卷 1 (CBETA, T13, no. 397, p. 4, b6-c24)。

法自在王菩薩讚佛功德。

※參見《大方等大集經》卷 1 (CBETA, T13, no. 397, p. 4, c24-p. 5, b10)。

2、佛為陀羅尼自在菩薩說：

1. 菩薩四瓔珞莊嚴，戒定慧陀羅尼，一一以增一法說。

※參見《大方等大集經》卷 1 (CBETA, T13, no. 397, p. 5, c23-p. 8, b1)：

爾時，佛讚陀羅尼自在王菩薩言：「善哉，善哉！善男子！能問如來甚深之義，能善行佛無量行者，乃能如汝發斯深問。汝今至心，當為汝說，菩薩若能成就具足如是功德，當於諸法得大自在。」

「世尊！今正是時，唯垂宣說。」

佛言：「善男子！菩薩有四瓔珞莊嚴：一者、戒瓔珞莊嚴；二者、三昧瓔珞莊嚴；三者、智慧瓔珞莊嚴；四者、陀羅尼瓔珞莊嚴。

戒瓔珞莊嚴有一種，謂於眾生無有害心。菩薩若無惡害之心，一切眾生常所樂見。

「復有二種：一者、閉塞惡道；二者、能開善門。

「復有三種：一者、身淨；二者、口淨；三者、意淨。

「復有四種：一者、所求悉得；二者、所願具足；三者、所願成就；四者、所欲能作。

「復有五種：一者、信；二者、戒；三者、定；四者、念；五者、慧。

「復有六種：一、不破戒；二、不漏戒；三、不雜戒；四、不悔戒；五、自在戒；六、無屬戒。

「復有七種，所謂七淨：一者、施淨；二者、忍淨；三者、精進淨；四者、禪定淨；五者、智慧淨；六者、方便淨；七者、善方便淨。

「復有八種，謂八具足：一者、無作具足；二者、地具足；三者、不忘心具足；四者、不緩具足；五者、諸根具足；六者、佛世具足；七者、離難具足；八者、善友具足。

「復有九種：一者、不動；二者、不畏；三者、定智；四者、寂靜；五者、至心；六者、清淨；七者、結緩；八者、調心；九者、住調伏地。

「復有十種：一者、淨身，為三十二相故；二者、淨口，為言無二故；三者、淨意，

為解脫故；四者、淨田，為令眾生福德增故；五者、淨心，為調眾生故；六者、淨有，為行化眾生故；七者、菩薩名淨，為得如來諸功德故；八者、淨慧，大神通故；九者、淨方便，破諸魔眾故。十者、淨戒，為不共法故。

「善男子！如是等事，名戒瓔珞莊嚴。

「三昧瓔珞莊嚴有一種，所謂為諸眾生修集慈心。

「復有二種：……復有三種：……復有四種：……復有五種，……復有六種，……復有七種，……復有八種，……復有九種，……復有十種：……是名三昧瓔珞莊嚴。

「善男子！智慧瓔珞莊嚴有一種，所謂心無疑網。

「復有二種：……復有三種：……復有四種：……復有五種：……復有六種：……復有七種：……復有八種：……復有九種：……復有十種：……是名為慧瓔珞莊嚴。

「善男子！陀羅尼瓔珞莊嚴有一種，所謂念心。

「復有二種：……復有三種：……復有四種：……復有五種：……復有六種：……復有七種：……復有八種：……復有九種：……復有十語：……是名陀羅尼瓔珞莊嚴。」

爾時，世尊欲重宣此義，以偈頌曰：

「四莊嚴瓔珞， 能端嚴大乘，

所謂戒定慧， 無上陀羅尼，

……

我說四瓔珞， 能嚴佛菩薩，

若有至心信， 即得是莊嚴。」

2. 八光明，一一以八法說。

※《大方等大集經》卷 2 (CBETA, T13, no. 397, p. 9, a7-p. 10, a1)：

佛復告陀羅尼自在王菩薩：「善男子！菩薩摩訶薩有**八光明**，以是八明能壞諸闇、淨菩薩行。何等為八？一者、念光；二者、意光；三者、行光；四者、法光；五者、智光；六者、實光；七者、神通光；八者、無礙智光。

「念光有八種：一者、不失過去善法；二者、作未來善；三者、聞法不忘；四者、思惟實義；五者、不為六塵所壞；六者、憶持如守門人遮止惡法，為真善法守善法城門；七者、不為邪法之所誑惑；八者、能大增長純善之法；是名念光八種。

「意光亦有八種：一者、義意非字意；二者、智慧意非識意；三者、法意非人意；四者、實意非虛意；五者、菩薩意非聲聞意；六者、上意非下意；七者、佛意非退意；八者、憐愍意非害意；是名意光八種。

「行光亦有八種：一者、法行；二者、一切行；三者、眾生行；四者、眾生心行；五者、十二因緣行；六者、廣說行；七者、行行；八者、一切佛法行；是名行光八種。

「法光亦有八種：一者、世法光；二者、出世法光；三者、無漏法光；四者、無為法光；五者、解脫法光；六者、心解脫法光；七者、畢竟解脫法光；八者、破無明慧法光；是名法光八種。

「智光亦有八種：一者、八正智光；二者、須陀洹智光；三者、斯陀含智光；四者、阿那含智光；五者、阿羅漢智光；六者、辟支佛智光；七者、菩薩智光；八者、正覺智光；是名智光八種。

「實光亦有八種：一者、正定行；二者、得須陀洹果；三者、斯陀含果；四者、阿那含果；五者、阿羅漢果；六者、辟支佛果；七者、菩薩；八者、佛菩提；是名實光八種。

「神通光亦有八種：一者、眼光，能見正色；二者、耳光，能聞正聲；三者、念光，能念過去阿僧祇劫所有眾生；四者、性光，為觀性淨眾生之心；五者、虛空光，以大神通光遍到十方無量世界；六者、方便光，具無漏智故；七者、功德莊嚴光，為利益一切眾生故；八者、智慧莊嚴光，為壞一切眾生疑心故；是名神通光八種。

「無礙智光亦有八種：一者、智光；二者、意光；三者、慧光；四者、佛光；五者、正見光；六者、淨眾生心光；七者、解脫光；八者、畢竟光；是名八無礙智光。」

爾時，世尊欲重宣此義而說偈言：

「修集於念心， 不忘善惡業，
樂聞讚誦經， 修集不放逸，

……

我說無量光， 為令眾生得，
有信此經者， 即得此諸光。」

3. 大悲十六事。

※參見《大方等大集經》卷 2 (CBETA, T13, no. 397, p. 10, a2-c2)：

爾時，世尊復告陀羅尼自在王菩薩：「善男子！菩薩摩訶薩修集**大悲有十六事**。何等十六？

「一者、菩薩摩訶薩見諸眾生貪著我見，以我見故增長諸見，常為生死之所繫縛。是故菩薩為此眾生修大悲心，悲因緣故宣說法化，為壞眾生如是妄見。

……

「十六者、見諸眾生求涅槃門不能知處。是故菩薩於此眾生修集悲心，悲因緣故宣說正法，為此眾生開涅槃門。

「善男子！菩薩修悲，悉因如是十六因緣。」

4. 三十二善業。

※參見《大方等大集經》卷 3 (CBETA, T13, no. 397, p. 14, b26-p. 21, c4)：

「善男子！如來復**有三十二業**。何等三十二？

善男子！如來能知是處非處。……是名如來第一之業。……

如來、世尊善知去來現在眾生所有諸業，知業知報，知恩知處……

如來、世尊知諸眾生種種欲解，若貪欲、若瞋恚、若愚癡，現在世貪起未來世貪恚愚癡，現在世瞋起未來世貪瞋恚癡，現在世癡起未來世貪瞋恚癡，如來悉知。……

如來悉知無量世界，若修善行，若行惡法，若無礙行。……

如來善知一切眾生諸根利鈍。……

如來真實知至處道。……

如來知禪解脫三昧煩惱解脫。……

如來善知自身所有過去世業，……

如來天眼清淨微妙，見諸眾生生滅墮落，若受善色若受惡色，若生善有若生惡有，亦能明了知諸業因。……

如來、世尊知諸漏盡畢竟解脫，我生已盡梵行已立，所作已辦更無後有。……

如來具足四無所畏，成如來業；如來業者，悉已覺知一切諸法。……

如來真實永盡諸漏。……如來真實說遮道法。……

如來身業無有過失，若愚、若智無能宣說佛有過失。……

如來不與天、人、魔、梵、沙門、婆羅門而生諍訟。……

如來之心無有忘誤，於八解脫不失念心，常觀一切眾生意行，觀已復能隨宜說法，於四無礙亦無念失。……

如來真實無不定心。……

如來真實無種種想，……

如來從智捨心無不知捨。……

如來欲業無增無減。……如來精進無有休息。……如來念心無有增減。……如來三昧於一切法平等無減，……如來智慧常無減少。……如來解脫無有減少。……

如來身業隨智慧行，……如來口業隨智慧行。……如來意業隨智慧行。……

如來智慧知過去世，……如來智慧知未來世，……如來智慧知現在世，其智無礙亦無障者。……是名如來三十二業。……

善男子！如來、世尊具足如是三十二業，則能調伏無量眾生。善男子！如來世尊雖為眾生說是諸業，而如來業真實無量不可稱計。

1. 如來依菩提起十六大悲——舉栴檀窟佛事。

※參見《大方等大集經》卷 2 (CBETA, T13, no. 397, p. 14, a3-b19)：

「善男子！乃往過去無量無邊阿僧祇劫，時世有**佛號栴檀窟**，界名大香劫名上香。爾時世尊於三百三十二萬劫中，常以正法教諸聲聞。時佛身上一毛孔所出香氣，遍滿三千大千世界。爾時此界無有臭穢名，所有草木山河之屬悉栴檀香，眾生身香亦復如是，一切無有身口意惡，諸佛弟子聞此香已即得四禪。

「爾時，乃有一萬諸佛次第興世，皆同一號，號栴檀窟，是故彼劫名曰上香。爾時如來作佛事已欲入涅槃，觀諸眾生誰未調者我當調之。爾時，如來以淨天眼見有一人在非有想非無想處，已於先佛種下上善根，定當因佛而得度脫，非因聲聞得解脫也。壽過八萬四千劫已，乃當下生來受五欲，當得聞於大乘經典，發阿耨多羅三藐三菩提心安住不退。

「爾時，世尊以**大悲故起大方便**，告諸比丘：『我涅槃時到。』作是言已即便入於不悔三昧，示諸眾生令知涅槃。既知如來入涅槃已，令諸大眾廣設供養，正法住世滿足六十八萬四千歲。當爾之時，佛諸弟子乃至無有一人於正法所作邪法想。爾時世尊以定力故，八萬四千劫隱密此身不令眾見，過是劫已，彼人即下，生於人中大長者家。經八十年，彼佛即從三昧而起詣長者家。其家大小悉無見者，唯是童子獨得見之。

「爾時，世尊為令彼人於五欲中心生厭離，而為說法。彼人聞已，即得不退阿耨多羅三藐三菩提心，如來知已即為授記：『善男子！汝於來世過七萬二千阿僧祇百千劫，當得成於阿耨多羅三藐三菩提，號曰寶上。』如是音聲餘無聞者，唯有一萬二千諸天同得聞之，聞已悉發阿耨多羅三藐三菩提心，俱作是言：『願彼寶上成佛之時，我等當於是佛法中諮受正法而為弟子。』爾時，如來知是事已復與授記：『寶上如來成作佛時，汝等當作受法弟子，彼佛亦當授汝阿耨多羅三藐三菩提記。』時栴檀窟佛授彼記已，爾乃畢竟入於涅槃，一切諸天大設供養。

「善男子！如來具足如是大悲，非諸聲聞緣覺所知。善男子！爾時彼佛不斷佛種，若有眾生供養三寶，亦復如是。」

佛說如是大悲功德時，此會眾中有三恒沙等眾生發阿耨多羅三藐三菩提心，半會大眾得成於忍，半中之半得具**如是十六大悲**，其餘半半得佛法忍。

爾時，一切諸天世人聞法歡喜，同聲讚歎：「善哉！善哉！甚奇！甚特！快說如是大悲法門。」

2.如來三十二業：十力、四無所畏、十八不共法。——舉淨寶珠喻。說法三階段。

※參見《大哀經》卷 5〈諸漏盡品 19〉(CBETA, T13, no. 398, p. 432, b10-c24)。

※參見《大哀經》卷 5〈**四無畏品** 20〉(CBETA, T13, no. 398, p. 432, c26-p. 434, c2)。

※參見《大哀經》卷 5〈**十八不共法品** 21〉(CBETA, T13, no. 398, p. 434, c3-p. 435, b25)。

※參見《大方等大集經》卷 3 (CBETA, T13, no. 397, p. 21, c10-p. 22, a23)：

「善男子！譬如善識真寶之匠，於寶山中獲得一珠，得以水漬從漬出已，置酢漿中從酢漿出已，置之豆汁意猶不已復置苦酒，苦酒出已置眾藥中，從藥出已以瓊褐磨，是

名真正青琉璃珠。善男子！如來亦爾，知眾生界不明淨故，說無常苦及以不淨，為壞貪樂生死之心。如來精進無有休息，復為演說空無相願，為令了知佛之正法。如來精進猶不休息，復為說法令其不退菩提之心，知三世法成菩提道，名大珍寶良祐福田。是故當知，如來諸業不可思惟，不可稱量，不可宣說。如來具足三十二業，雖知己身猶如虛空，而於世界示現其身，亦復宣說不可說法，永斷一切心之因緣，悉知一切眾生心界，亦知一切菩薩境界。

「善男子！如來世尊真實業者，終不斷絕菩薩授記，是名如來真實之業。」

爾時，世尊說是業時，十方世界六種震動，大光普照，雨於無量無邊香花。諸在此坊天人、大眾、阿修羅、迦樓羅、緊那羅、摩睺羅伽、人及非人，聞如來業心大歡喜，復以種種香花、伎樂、寶幢、幡蓋供養之具而供養佛。其中或以周羅寶頂、寶髮、手玢、雜寶、瓔珞、日珠、月珠、指環、珠帶、寶珮、髮飾，或以耳環以奉如來。調青琉璃，及蓮花珠、金翅鳥珠、閻浮寶珠、帝釋寶珠、火珠、光珠、無量光珠、無量色珠、柔軟淨珠、金剛寶珠及白真珠。復以雜香，所謂末香、金沙和雜栴檀之香、多伽羅香、沈水、彌伽多摩羅跋香。復散諸花，所謂曼陀羅花、摩訶曼陀羅花、曼殊沙花、摩訶曼殊沙花、拘毘陀羅花、波利質多羅花、樂花、娑羅花、大娑羅花、百葉花、千葉花、饒葉花、大光花、香葉花、樂香花、樂見花、無量色花、無定色花、水生花、優波羅花、波頭摩花、拘物頭花、分陀利花、陸生花、婆利師花、摩梨花、須曼那花、育坻花、檀內伽梨花、阿提目多伽花、瞻婆花、阿叔迦花。種種伎樂、種種幢幡蓋，十方界諸來菩薩，各昇虛空寶坊之上，放身投下供養於佛，投身散已其身不現，化七寶網遍覆其上，復現其身在珠網中。

爾時，十方一切諸佛，各各遣一波利之樹，以用供養釋迦如來。以佛力故，一一諸樹各至寶坊莊嚴其處。爾時，會中無量眾生發阿耨多羅三藐三菩提心，無量眾生得無生法忍。」

※參見《大哀經》卷 6〈如來道品 22〉(CBETA, T13, no. 398, p. 439, b18-27)：

「又，族姓子！如來至真於諸法界為一種味成最正覺，於眾生界無所蔽礙，善權方便以無礙法而悉明了，則為眾生轉其法輪令不退轉阿惟越致。譬如，族姓子！上工珠師修於清淨無垢寶珠重治令曜，手執此珠寶，舉著濁水令水凝然去濁就清。不復勤而勞其功，然後則出著於食味，上於瓶甕。若於鉢器，令其中水皆使清澄，所勞功夫不足言耳。然後服著大藥味中，以微細重而重洗之，所洗已淨去諸刺棘，是則名曰夜光寶珠。」（舉淨寶珠喻）

3、諸法神通自在王菩薩與魔王神通，論護法。

※參見《大方等大集經》卷 4 (CBETA, T13, no. 397, p. 22, b6-c4)：

爾時，世尊舉身顧眄觀諸大眾，如象王迴而作是言：「諸善男子！誰能守護如是供具及此寶坊，令不毀壞滅沒損減，以待彌勒成正覺已，十六年後供養彼佛及賢劫中五百如來。」

是時，會中有一菩薩名諸法神通自在王，即從坐起，踰跪合掌，而作是言：「世尊！我

能守護如是供具及此寶坊，令不毀壞滅沒損減，以待彌勒成正覺已，十六年後供養彼佛及賢劫中五百如來。」

爾時，眾中有一**魔王名曰神通**——其所住國名四天下——語諸法神通自在王菩薩言：「善男子！汝今安置如是供具并及寶坊，置何器中而守護之令不毀壞？」

「善男子！凡言器者性是無常，而我此身常住無變。善男子！汝今應當諦觀我身。」

爾時，魔王聞是語已，如教諦觀，見其齋中有一世界名水王光，有佛世尊號寶優鉢羅，其世界中有大寶山。如來處中結加趺坐，與諸菩薩宣說正法。爾時，魔王見是事已，心甚奇訝，即禮諸法神通自在王菩薩，讚言：「善哉，善哉！大士！我今始知汝有妙器，堪任護持如是供具及此寶坊令不毀滅。」

爾時，魔王即白佛言：「世尊！我往未見如是菩薩、未聞如是微妙法時，欲學聲聞入於涅槃。我今既見諸法神通自在王菩薩威神之力，即發阿耨多羅三藐三菩提心。世尊！假使我身恒沙劫中受地獄苦，然後乃成無上道者，亦終不捨菩提之心。」

佛言：「善哉，善哉！善男子！汝能善發阿耨多羅三藐三菩提心，汝亦當得如是無量神通之力。」

4、陀羅尼自在王菩薩，為師子幢說八大陀羅尼。——出陀羅尼自在王本行。

※參見《大方等大集經》卷4 (CBETA, T13, no. 397, p. 22, c4-18)：

是時，會中復有**菩薩名師子幢**，語**陀羅尼自在王菩薩**言：「善男子！菩薩摩訶薩獲得何等陀羅尼門，而能受持一切佛語，凡所演說字句及義無有窮盡。」

陀羅尼自在王菩薩言：「善男子！有**八陀羅尼**，菩薩摩訶薩若有得者，則能受持一切佛語，凡所演說字句及義而無窮盡。何等為八？一者、淨聲光明陀羅尼；二者、無盡器陀羅尼；三者、無量際陀羅尼；四者、大海陀羅尼；五者、蓮華陀羅尼；六者、入無礙門陀羅尼；七者、四無礙智陀羅尼；八者、佛莊嚴瓔珞陀羅尼，是名為八。若有菩薩安住如是八陀羅尼，則能受持一切佛語，凡所演說字句及義而無窮盡。」

師子幢菩薩言：「善哉！大士！唯願廣說，菩薩聞已，當得受持一切佛法。」

5、佛為慧聚菩薩說：慧根與慧業。——出慧聚本行。

※參見《大方等大集經》卷4 (CBETA, T13, no. 397, p. 26, b21-p. 27, a20)。

6、讚持經功德。佛諦語護經。諸天彌勒等護經。

※參見《大方等大集經》卷4 (CBETA, T13, no. 397, p. 27, c7-p. 28, b21)。

1、大海(印)陀羅尼二十八字印(四・22 下—23 上)

※參見《大方等大集經》卷4 (CBETA, T13, no. 397, p. 23, c16-p. 24, a28)：

「**大海陀羅尼**者，善男子！猶如大海，四天下中所有諸色，眾生卉木藥樹穀子，日月星宿雲氣雷電，國邑聚落城郭殿堂園池山河，如是一切諸種種色悉於中現。菩薩住是陀羅尼已亦復如是，一切眾生身口意業，各各於是菩薩身中一一印現，十方世界所有

眾生所有口業，悉於菩薩口中印現，是故菩薩有所言說皆悉真實。印者名無所有，謂諸法無有覺觀，無說無邊、無作無貪，是名第一真實之義。

「復有遮印，遮之言眼，眼即無常可淨可見。復有那印，那之言名，一切諸法流布故名，真實無名。復有邏印，邏之言世，一切世間屬愛無明。復有陀印，陀之言十，佛具十力能化眾生。復有波印，波之言五，如來遠離除滅五欲，得阿耨多羅三藐三菩提。復有殺印，殺之言六，如來真實了知六入故，能調伏一切眾生。復有殺印，殺之言六，如來具足六念處故，得大自在。復有殺印，殺之言六，如來具足六神通故，能以神通教化眾生。復有婆印，婆之言左，如來世尊離左道故，得阿耨多羅三藐三菩提。復有多印，多之言實，如來善覺真實之性，故名正覺。復有耶印，耶之言彼，如來等知此彼平等。復有婆印，婆之言結，如來遠離諸煩惱故，名阿梨呵。復有闍印，闍言生老，如來已過生老之分，故名世尊。復有曇印，曇之言法，如來說法清淨無垢。復有奢印，奢之言奢摩他，如來成就修奢摩他。復有佉印，佉之言虛空，如來知見一切諸法同於虛空。復有迦印，迦言苦行，如來遠離一切苦行。復有婆印，婆之言實，如來所說四真諦者即是真實。復有摩印，摩之言道，如來能說八正之道。復有伽印，伽之言深，如來所說其義甚深。復有羼印，羼之言忍，如來具足忍波羅蜜。復有呼印，呼之言讚，如來常讚十方諸佛。復有若印，若之言遍知，是故如來名一切智。復有婆印，婆之言有，如來已解一切諸有。復有車印，車之言欲，如來欲於一切善法。復有波印，波之言前，如來常為一切眾生現前說法。復有頗印，頗之言果，如來常說四沙門果。

「善男子！因如是字演說諸法，所有諸字悉於菩薩口業印現，是名大海陀羅尼也。」

四十一字印 大哀經卷七(443 上一中)

※參見《大哀經》卷 7〈八總持品 23〉(CBETA, T13, no. 398, p. 443, a13-b21)：

佛告族姓子：「何謂海印意總持？猶，族姓子！諸四方域世界之中，諸有形色又其像貌，山谷、樹木，諸所生草、眾藥之類所有形貌，日月光明、明珠、水曜、焰電諸有像貌，州城、大邦、郡國、縣邑、居舍、屋宅所有像貌，園觀、浴池、川流、泉源入流，行色生活之業、自觀形像好醜、善惡、中上下貌一切諸色及與歸之，皆依大海而不別異，是謂大海。菩薩若住此海印意總持，等印一切眾生之身，亦復等演文字之教。以等心印而印眾生、十力諸佛，口演所宣無極大法，此典皆從菩薩口出，佛印見印。所說法者忻而無限。講諸法印，慧無所印，所可講說悉如來印。分別眾諦，其無印者，永無所行，心自然寂；其離印者，得離欲法、清淨之行；其度印者，所演究竟，靡所不通；其號印者，皆宣名物，各各暢了；其樂印者，除去欲貪、放逸、恩愛；其十印者，具足十力；其被忍印者，淨除諸意；其燒咤印者，捨於燒熱；其六印者，成六神通；其左披印者，棄捐左道；其審印者，說於真諦；其如印者，所行如實；其哆印者，闕除一切諸所根本；其迦印者，離所作業；其娑印者，宣暢至誠，其現勢力故；其生印者，度生老死故；其志印者，謂意清淨故；其界印者，不壞法界故；其寂印者，具足憺怕故；其虛印者，虛靜空無、無不可盡故；其盡印者，消化盡想，慧無起故；其立印者，覺意諦住故；其知印者，別知一切眾生類故；其普印者，

而悉頒宣諸所興衰；其有印者，覺了分別所有無有；其貪印者，消除貪、婬、瞋、恚、愚癡之忌難也；其己印者，己身已通而成正覺；其自印者，身自解故；其旦印者，旦自釋捨諸所猗相；其數印者，滅遣根源；其處印者，則於處處如有悉知；其無印者，無有若干；其果印者，逮得果證；其陰印者，除諸陰蓋；其疾印者，離邪疾故；其施印者，得成施戒香熏故；其堅印者，已逮斷堅剛強性故；其究印者，究暢文字，據其根源。

「如是，族姓子！菩薩說法、演若干文、悉知一切文字印說，是為海印入總持門。」

2、「說三歸一乘」(二・9 下)

※參見《大方等大集經》卷 2 (CBETA, T13, no. 397, p. 9, b16-p. 10, a1)：

爾時，世尊欲重宣此義而說偈言：

「修集於念心， 不忘善惡業，
樂聞讚誦經， 修集不放逸，

.....

修集無上智， **說三歸一乘**，
修集八正道， 為壞三世法。

.....

我說無量光， 為令眾生得，
有信此經者， 即得此諸光。」

「樂三乘者說一乘故」(一・5 上) 晉譯並缺。

※參見《大方等大集經》卷 1 (CBETA, T13, no. 397, p. 5, a20-28)：

「唯願，如來！說菩薩行無礙法門，利益過去未來現在諸菩薩等，令初發心得不退故、久發心者得增長故、行菩提道得淨意故、不退菩薩學佛法故、一生菩薩瓔珞莊嚴故、後身菩薩得阿耨多羅三藐三菩提故、定性眾生增長因緣故、未定性者作因緣故、未入佛法者令得入故、已入佛法者敬佛法故、**樂三乘者說一乘故**、施於世間人天樂故。」

3、本經但說大乘法，大乘人受益。惟末有聲聞弟子宏護。

※參見《大方等大集經》卷 4 (CBETA, T13, no. 397, p. 28, a25-b1)：

大德迦葉復作是言：「世尊！我聲聞人智慧雖微，應當任力受持讀誦宣說其義。」

阿難復言：「世尊！我於此經真實受持，乃至不失一字一句，如佛口出無有異也。若有眾生發菩提心，我亦能為是人廣說。」

4、為一眾生未度，佛示現涅槃。度畢乃入般涅槃。(二・14 上一中)

※《大方等大集經》卷 2 (CBETA, T13, no. 397, p. 14, a18-b11)：

「爾時，世尊以大悲故起大方便，告諸比丘：『我涅槃時到。』作是言已即便入於不悔三昧，示諸眾生令知涅槃。既知如來入涅槃已，令諸大眾廣設供養，正法住世滿足六十八萬四千歲。當爾之時，佛諸弟子乃至無有一人於正法所作邪法想。爾時世尊以定力故，八萬四千劫隱密此身不令眾見，過是劫已，彼人即下，生於人大長者家。經八十年，彼佛即從三昧而起詣長者家。其家大小悉無見者，唯是童子獨得見之。」

「爾時，世尊為令彼人於五欲中心生厭離，而為說法。彼人聞已，即得不退阿耨多羅三藐三菩提心，如來知已即為授記：『善男子！汝於來世過七萬二千阿僧祇百千劫，當得成於阿耨多羅三藐三菩提，號曰寶上。』如是音聲餘無聞者，唯有一萬二千諸天同得聞之，聞已悉發阿耨多羅三藐三菩提心，俱作是言：『願彼寶上成佛之時，我等當於是佛法中諮受正法而為弟子。』爾時，如來知是事已復與授記：『寶上如來成作佛時，汝等當作受法弟子，彼佛亦當授汝阿耨多羅三藐三菩提記。』時栴檀窟佛授彼記已，爾乃畢竟入於涅槃，一切諸天大設供養。」

5、本經引用小乘法數頗多。

6、但菩薩淨土 (四・25 中)

※參見《大方等大集經》卷 4 (CBETA, T13, no. 397, p. 25, b8-27)：

爾時，世尊讚陀羅尼自在王菩薩：「善哉，善哉！善男子！汝已久得是陀羅尼，是故能善分別解說所有無量功德之義。不但今日，已於過去無量佛所，亦作如是分別解說。」

「善男子！過去無量阿僧祇劫。爾時，有佛號淨光明，世界名淨，劫亦名淨。純淨琉璃以為世界猶如明鏡，地平如掌，所有林樹七寶所成，妙寶蓮花大如車輪，清淨鮮潔人所樂見。其土人民悉處七寶樓殿堂閣如天無異，貪欲恚癡漸已輕微。土無日月唯有佛光，青蓮花開則知是夜，赤蓮花敷則知是晝。」

「時彼佛有六萬百億大菩薩僧，出家之人不可稱計，皆悉志樂無上大乘，世界乃至無二乘名，一切皆是不退菩薩。其佛壽命具足半劫，人之與天無有差別，在地為人、處空為天，無有王者除佛法王。其土人民無有宗事諸天邪神及歸依者，亦無女身、毀戒之名。具足三戒。何等為三？一、從戒戒；二、從心戒；三、從慧戒。發菩提心厭悔生死名從戒戒；修三昧慧名從心戒；修集智慧得大智慧名從慧戒。」

7、寶炬陀羅尼 (四・25 下—26 中)

※參見《大方等大集經》卷 4 (CBETA, T13, no. 397, p. 25, b27-p. 26, b17)：

「爾時，眾中有一菩薩，名曰光頂，從坐而起頭面禮足，右邊恭敬長跪合掌，而白佛言：『世尊！所言陀羅尼者，云何名為陀羅尼也？菩薩住何陀羅尼中，能持一切諸佛名號，為諸眾生分別解說？』佛言：『善男子！有陀羅尼名曰寶炬，菩薩住是陀羅尼中，能持一切諸佛名號，為諸眾生分別解說，隨諸眾生種種語言。』光頂菩薩復白佛言：『唯願世尊分別廣說，我等聞已當得修持。』佛言：『善哉，善哉！善男子！至心諦聽，吾當為汝分別解說。』

「爾時世尊即說偈言：

「『遠離一切諸煩惱， 清淨無垢猶真實，
其心能作大光明， 是名寶炬陀羅尼。

……

若有眾生千萬口， 一口而有千萬舌，
不能宣說成持者， 所得無量之功德。』

「善男子！爾時淨光明佛說是法時，光頂菩薩及與三萬二千菩薩悉皆獲得是陀羅尼。善男子！汝知爾時光頂菩薩，豈異人乎？即汝身是。是故汝今能廣分別是陀羅尼，是大眾中得是持者汝最第一。」

8、十波羅蜜（一・5 上）晉缺 無盡器陀羅尼，晉「無盡法藏」——「其寶藏篋聖法經典」，則器乃篋藏也。

※參見《大方等大集經》卷 4 (CBETA, T13, no. 397, p. 22, c8-17)：

陀羅尼自在王菩薩言：「善男子！有八陀羅尼，菩薩摩訶薩若有得者，則能受持一切佛語，凡所演說字句及義而無窮盡。何等為八？一者、淨聲光明陀羅尼；二者、**無盡器陀羅尼**；三者、無量際陀羅尼；四者、大海陀羅尼；五者、蓮華陀羅尼；六者、入無礙門陀羅尼；七者、四無礙智陀羅尼；八者、佛莊嚴瓔珞陀羅尼，是名為八。若有菩薩安住如是八陀羅尼，則能受持一切佛語，凡所演說字句及義而無窮盡。」

※參見《大哀經》卷 7〈八總持品 23〉(CBETA, T13, no. 398, p. 441, a2-8)：

總勢王菩薩報師子英：「菩薩所住此八總持，悅可眾生使得開達，其慧無窮。何謂為八？有總持：一名、淨光音，二名、**無盡法藏**，三名、無量退進，四名、海印意，五名、蓮華嚴，六名、入無礙印，七名、入分別辯，八名、建立佛莊嚴，是為八。菩薩住此，有所暢說悅可眾生。」

※參見《大哀經》卷 7〈八總持品 23〉(CBETA, T13, no. 398, p. 442, c5-10)：

「說無盡慧計是四大寶藏之篋，所諮啟慧亦不可盡，**其寶藏篋聖法經典**亦復遊入於無盡慧。所頒宣智是為無盡法藏之總持也，一切諸所講說宣傳，若於一劫復過一劫咨嗟此德**無盡法藏**，猶不可盡。」